



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. II. Summorum Pontificum definitionibus eadem veritas firmatur

[urn:nbn:de:hbz:466:1-77355](#)

actus, ut ostensum est: Ostenderat autem cap. A præcedenti, ratione 2. dominium eas habere ratione voluntatis, utpote in ipsa existens agere & non agere.

Idem docet variis in locis de libertate humana: nam i. p. qu. 83. art. 1. probat hominem esse liberi arbitrij, quia judicium rationis ad diversæ habet, & non est determinatum ad unum: quæ ratio nulla esset, si libertas nostra voluntatis in sola spontaneitate seu immunitate à coactione consisteret. Unde ibidem art. 3. ait: *Liberi arbitrij esse dicimus, quia possumus unum recipere, alio recusare.* Et qui. 24. de verit. art. 1. in quinto argumento sed contra: *In hominibus (inquit) potestate est facere & non facere, & ita est liberi arbitrij.* Ergo juxta D. Thomam, libertas non solum secundum situm accidentalem, quem habet in nobis viatoribus, sed etiam secundum propriam rationem formalem, communem Deo, Angelis, & hominibus, indifferentiam seu potestatem ad agendum vel non agendum includit; nec in sola spontaneitate, seu ratione perfectè voluntarij, adæquatè constituit.

S. II.

Summorum Pontificum definitionibus eadem veritas firmatur.

192. **E**ADEM veritas ex SS. Patribus, ac Summis Pontificibus colligitur. Plura loca SS. Patrum art. 1. adduximus, in quibus propriam libertatis quidditatem explicit per indifferentiam ad contradictoria; ideoque liberum arbitrium comparant statere in æquilibrio positæ, vel cardini in utramque partem versatili. Unde solum huc addam. *Summorum Pontificum Pij V. Gregorij XIII. & Urbani VIII. constitutiones, in quibus haec duæ Michaëlis Baij propositiones proscribuntur: Quod voluntariè sit, est necessitate fiat, liberè tamen sit.* Item: *Sola violencia repugnat libertati hominis naturali.*

Nec valet responsio Jansenij, dicentis Summos illos Pontifices non damnum absoluere illas propositiones, sed solum per refutum ad id quod hoc tempore contra antiquos Patres & Doctores nomine libertatis significatur, quod non est aliud, quam illud quod habet saltem indifferentiam contradictionis. Non valet, inquam, tum quia jam ostendimus Patres & Doctores antiquos, præsertim D. Augustinum, & S. Thomam, in libertate simpliciter & sine addito sumpta admisisse semper aliquam indifferentiam. Tum etiam, quia non alia de causa Summi illi Pontifices propositiones illas Baij damnarunt, nisi quia existimarent eas continentे errorem Calvini, qui non negavit libertatem à coactione, sed tantum à necessitate, ut infra ostendemus.

193. Non valet etiam quod addit Iansenius, nemppe suam opinionem diversam esse ab illis propositionibus Baij, utpote afferentibus omnem actum voluntarium, ac proinde & actus primò-primos, habere libertatem; cum tamen ipse ad libertatem necessarium putet quod voluntas se moveat & applicet specialiter, & cum luce ac direccione rationis operetur; quod non habet in actibus primò-primos. Nam esto differat Jansenij doctrina à secunda propositione Baij, convenit tamen adhuc cum prima, in qua ponit libertatem in omni voluntario perfecto, etiù necessarium sit; quod reprobant prædicti Summi Pontifices.

S. III.
Conclusio variis rationibus demonstratur.

194. **P**O TEST etiam conclusio variis rationibus demonstrari. Prima sumitur ex notione electionis, quam constat esse partum libertatis, & quidem præcipuum; unde plures libertatem vim electivam definint. Quæ ergo erit notio electionis, eadem erit & libertatis: At constat nomine electionis designari tantum volitionem ita terminatam ad unum, ut æquè possit ad alterum terminari; unde Aristoteles 3. Ethic. cap. 2. docet ea tantum sub electionem cadere, quæ fieri possunt & non fieri. Et D. Thomas infra quæst. 13. art. 2. Cū eleccio, inquit, sit præceptio unius respectu alterius, necesse est quod electio sit respectu plurium quæ eligi possunt; & ideo in his quæ sunt determinata ad unum, electio locum non habet: Ergo etiam nomine libertatis actualis intelligitur determinatio voluntatis ad unum actum, cum potestate ad oppositum, subindeque indifferentia activa, & non sola spontaneitas & immunitas à coactione.

Secunda ratio, eaque præcipua & fundentalis. Liberi arbitrij ratio consistit in eo quod actus nostros sub nostra potestate & dominio habemus; unde Græci principium liberum *ἐλεύθερον* appellant, quæ vox significat sui potestem, & dominum actionis sua; & sacra pagina per dominium & potestatem, hominis libertatem explicat; ut patet ex illo Genes 4. Suberte erit appetitus tuus, & tu dominaberis illius; & ex illo 1. ad Corinth. 7. Non habens necessitatem, potestatem autem habens sua voluntatis. Sed actus purè spontanei, & à sola coactione immunes, non sunt sub dominio & potestate nostra voluntatis: Ergo non sunt verè liberi, subindeque libertas in sola spontaneitate non salvatur, sed insuper essentialiter requirit indifferentiam & potestatem ad opposita. Major & consequentia patent. Minor autem, in qua est difficultas, multipliciter ostenditur.

195. Primò ex D. Thoma 1. contra Gentes cap. 68. ubi ait: *Dominum quod habet voluntas supra suos actus, per quod in ejus potestate est velle vel non velle, excludit determinationem virtutis ad unum, & violentiam causa exterius agentis.* Sed actus purè spontanei non excludunt determinationem virtutis ad unum, sed tantum violentiam causâ exterius agentis, ut patet in amore beatifico, & volitione boni in communi: Ergo non possunt dici esse sub dominio & potestate voluntatis.

Secundò ex Aristotele 3. Ethic. cap. 5. ubi dicit: *Quibus in rebus nostra in potestate situm est agere, in iis & non agere, & in quibus non agere, in iis & agere.* Quæ verba exponens S. Thomas ibidem lect. 11. *Si operari, inquit, est in nostra potestate, oportet etiam quod non operari sit in nostra potestate; si enim non operari non est in nostra potestate, sic impossibile est non operari: ergo necesse est nos operari, & operari non est ex nobis, sed ex necessitate.* Ergo ex Aristotele & Divo Thoma, illi solum actus sunt sub potestate & dominio voluntatis, quibus ita agit ut possit non agere; non vero illi qui ita ab ea elicuntur; ut eos non possit non elicere; quales sunt amor beatificus, volitio boni in communi, & alij actus purè spontanei, & à coactione, non verè à necessitate immunes.

196. *Probatum tertio: Quidquid est in potestate nostra,*